


AWIG-AWIG

DESA PKRAMAN MUNDUK LUMBANG



အသံသရာတို့၏အသံသရာ

កាតាហ៍ ១២ ក្របី ៣១

SAKAWARSA 1924

အပိကပိကါ

AWIG-AWIG

၇ဃာကပဗျာဗန္ဓုန္ဓုဗျာဗျာ

DESA PKRAMAN MUNDUK LUMBANG



၇ဃာကဗျာဗျာဗျာဗျာဗျာဗျာ

DESA ANGRI, KEC. BATURITI

ကဗျာဗျာဗျာဗျာဗျာဗျာ

KABUPATEN TABANAN

ကဗျာဗျာဗျာဗျာဗျာဗျာ

ŚAKAWARSA 1924

BANGTANG AWIG-AWIG DESA PAKRAMAN MUNDUK LUMBANG

	Kaca
MURDHA CITTA	1
PRATHAMAS SARGAH ARAN LAN WEWIDANGAN	2
DWITĪYAS SARGAH PATITIS LAN PAMIKUKUH	2
TRĪTĪYAS SARGAH SUKERTAN TATA PAKRAMAN	3
Palet 1 Indik Krama	3
Palet 2 Indik Prajuru lan Dulun Désa	7
Palet 3 Indik Kulkul	9
Palet 4 Indik Paruman	10
Palet 5 Indik Druwén Désa	12
Palet 6 Indik Panyanggran Krama Banjar	13
CATURTHAS SARGAH SUKERTAN TATA ĀGAMA	14
Palet 1 Indik Déwa Yajnya	14
Palet 2 Indik Reṣi Yajnya	18
Palet 3 Indik Pitra Yajnya	18
Palet 4 Indik Mānuṣa Yajnya	22
Palet 5 Indik Bhūta Yajnya	22

PAÑCAMAS SARGAH	SUKERTAN TATA PAWONGAN	24
	Palet 1 Indik Pawiwahan	24
	Palet 2 Indik Nyapihan	24
	Palet 3 Indik Sentana	25
	Palet 4 Indik Warisan	25
ṢAṢṬHAS SARGAH	SUKERTAN TATA PALEMAHAN	26
	Palet 1 Indik Karang, Tegal, lan Carik	26
	Palet 2 Indik Pepayonan	26
	Palet 3 Indik Wewangunan	27
	Palet 4 Indik Wewalungan	28
	Palet 5 Indik Bhaya	29
SAPTAMAS SARGAH	WICĀRA LAN PAMIḌAṆḌA	30
	Palet 1 Indik Wicāra	30
	Palet 2 Indik Pamiḍaṇḍa	31
AṢṬAMAS SARGAH	NGUWAH-UWUHIN AWIG-AWIG	32
NAWAMAS SARGAH	SAMĀPTA	33
LEPIHAN I :	TETINASAN NYĀSA LAN SASANTI	36

MURDHA CITTA

OM AWIGHNAM ASTU NAMO SIDDHAM

Sembah bakti miwah pangastawan titiang majeng ring paduka Bhatara-Bhatari sesuwunan titiang sami, riantukan wantah malarapan panghyangning kalih paswecan Ida Sang Hyang Widhi Wasa asung kertawaranugraha nyresti jagat jangkep rawuhing sadagingnya sami, mawinan wenten kahuripan sekala niskala ring Bhuwana Agung miwah ring Bhuwana Alit. Manut dresta, Desane kamanggehang dados pasayuban Krama Desa rawuhing kulawarga pawongannya sami, mawastu raris Desane kamanggehang pinaka pawakan Bhuwana Agung, pawongannya kamanggehang pinaka pawakan Bhuwana Alit.

Sotaning pawakan Bhuwana Agung, Desane taler kamanggehang pinaka pawakan bhawa mahurip, sane kacirenin antuk wentene pakilit Tri Hita Karana sane nenten dados pasahang, luwire :

ha. Parhyangan, inggih punika : sahanan parhyangan panyiwian Desa genah ngarcana bhawan Ida Sang Hyang Parama Wisesa, pinaka jiwaan Desane;

na. Pawongan, inggih punika : gebogan Krama rawuhing warga Desa maka sami pinaka bayu pramanan Desane, mawinan Desane prasida maolah prawreti;

ca. Palemahan, inggih punika : sahananing pakarangan ,tegal,carik miwah setra sakekuwuban wewidangan Desa Adat puniki, pinaka sthulan Desane.

Adung patemoning Bhuwana Agung ring Bhuwana Alit, maka larapan ngupadi santa jagaddhita, punika sinanggeh murdhaning prayojana pangriptaning awig-awig iki, rikala paseban mami Krama Desa Pakraman Munduk Lumbang, pinaka sepat siku-siku pamatut miwah pamutus, wastu kasidan prayojanan mami kabeh, prasama angidep muwah amagehaken linging awig-awig, kadi ring sor iki.

PRATHAMAS SARGAH

ARAN LAN WEWIDANGAN DESA.

Pawos 1

- (1) Desa Pakraman puniki, mawasta Desa Pakraman Munduk Lumbang.
- (2) Jebar kekuwub wewidangannya mawates nyatur desa, inggih punika :
 - ha. Sisi wetan : ring Tanah Desa Pakraman Angseri;
 - na. Sisi kidul : ring Pacampuhan Tudad Yeh Putih lan Tukad Yeh Panahan;
 - ca. Sisi kulon : ring Tukad Yeh Panahan;
 - ra. Sisi lor : ring Wananegara Bukit Adeng.
- (3) Jebar kekuwub wewidangan sane kawengku antuk wates-wates inucap, wenten : 160, 50 Ha.
- (4) Sane kamanggehang ngranjing dados kekuwub wewidangan Desa Pakraman puniki, manut dresta, luwire :
 - ha. Pupulan karang paumahan sane sinanggeh Palemahan Desa Pakraman;
 - na. Setra, carik miwah tegal sane wenten ring kekuwub wewidangan Desa Pakraman puniki sajabaning Palemahan Desa Pakraman, manggeh ngranjing dados Telajakan Desa Pakraman Munduk Lumbang;
- (5) Desa Pakraman puniki, kawangun antuk Banjar tunggal, inggih punika : Banjar Pakraman Munduk Lumbang.
- (6) Awig-awig, Pararem miwah sahanan Pasuaran Desa, manggeh kajejerang ring jebarkekuwub wewidangan Desa Pakraman puniki sami.

DWITIYAS SARGAH

PATITIS LAN PAMIKUKUH

Pawos 2

Desa Pakraman Munduk Lumbang, ngamanggehang pamikukuh, minakadi :

- (0) Pancasila.
- (0) Undang-Undang Dasar 1945, pamekas pasal 18.
- (3) Tri Hita Karana, manut sadacara Agama Hindu.
- (4) Hak Azasi Manusia.
- (5) Perda Provinsi Bali, indik : Désa Pakraman.

Pawos 3

Luwir Patitis Desa Pakraman Munduk Lumbang, luwire :

- (1) Mikukuhin miwah ngrajegang Sang Hyang Agama.
- (2) Nginggilang tata prawretine maagama.
- (3) Ngrajegang kasukertan Desa saha Pawongannya sekala lan niskala.

TRTIYAS SARGAH

SUKERTAN TATA PAKRAMAN

Palet 1

Indik Krama

Pawos 4

- (1) Sahananing sang jenek mapaumahan ring wewengkon wewidangan Desa Pakraman Munduk Lumbang, sinanggeh warga Desa Pakraman Munduk Lumbang.
- (2) Warga Desa inucap ring ajeng, linggihnyane wenten 3 (tigang) soroh :
 - ha. Warga Desa sane maagama Hindu tur sareng nyungkemin Kahyangan Desa Pakaraman Munduk Lumbang, sinanggeh Krama Desa Pakaramn Munduk Lumbang.
 - na. Warga Desa sané maagama Hindu, sané wantah nyarengin ring Pawongan miwah Palemahan kéwanten, suinanggeh Krama Tamiu, sané kasulurang manut Pararem.

- ca. Warga Desa boya maagama Hindu, sané wantah nyarengin ring Palemahan kéwanten, sinanggeh Tamiu, sané kasulurang manut Pararem.

Pawos 5

Dasar Pakraman :

- (1) Sahanan Warga Desa sane sampun marabian, patut ngawit dados Krama Desa Pakraman.
- (2) Satunggil Krama, manut karendahan kulawargannya, patut keni sinalih tunggil ayah-ayah :
ha. Ayahan Cecatu,
ca. Ayahan Balu;
na. Ayahan Pangelé.
- (3) Sesengker ngawit tedun ngayah : yan sampun marabian, 14 (pat belas) rahina ngawit saking pabiakawonan.
- (4) Krama Desa sane wenang nyada yan sampun kapastika, luwire :
ha. sungkan tahunan;
na. risampun mayusa 60 warsa.
- (5) Sang saking sewosan desa yan sareng tedun makrama desa ring Desa Pakraman Munduk Lumbang, patut keni batu-batu utawi pamogpog, sane agengnya kasulurang manut Pararem.
- (6) Yening wenten krama saking sewosan desa sareng ngranjing makrama desa ring Desa Pakraman Munduk Lumbang, patut kadulurin surat katerangan sane jangkep.

Pawos 6

Wusan dados Krama Desa, luwire :

- (1) Sangkaning :
ha. seda;
na. pinunas ngraga, menawi magingsir linggih saking wewengkon Desa Adat Munduk Lumbang;
ca. kanorayang, malantaran piwal ring daging awig-awig miwah Pararem Krama Desa, utawi tan satinut ring pituduh Prajuru sajeroning indik nyupat sikian, minakadi nenten prasida ngesehin prawreti ;

- ra. Tata-titine nitenin wusan dados Krama Desa inucap ring ajeng, kaslulurang manut Pararem.
- (2) Sang wusan dados Krama Desa tan polih pahpahan druwen Desa, miwah tan polih pasayuban malih sajeroning ala ayu.

Pawos 7

Sahanan Krama Desa, patut keni tetegenan utawi ayah-ayah, luwire :

- (1) Ayahan Cecatu, mapiteges paturunan miwah ayahan mamungkul saking Krama Catu.
- (2) Ayahan Balu, luwire : Balu Baki, ayahnyane ritatkala ngaturang pujawali ageng ring Tri Kahyangan, ritatkala ngaturang Pujawali Guling Langse.
- (3) Ritatkala ngardi wewangunan kabuatan Desa Adat, Kramane, sajaba keni ayahan manut pawos 7, taler keni paturunan sakadi ring sor :
- ha. Paturunan samawibhaga, manut Pararem;
- na. Paturuan manut dasar padruwean, carik, tegal, unjuk lungsur manut pararem;
- ca. Dana Punia , manut kalascaryan sang madana punia.
- (4) Krama Desa, kadadosang :
- ha. Mapuangkid utawi tan tedun ngayah/parum :
- 1). Rjkala mapawangunan, ngraabin, nangun yajnya, nandur, kaluwasan masengker dewasa ;
- 2). keni dedawuhan saking Guru Wisesa ;
- 3). kapialang, luwire : sungkan, matepetin, kalayusekaran, lan sakancan punika.
- na. Dados ngwakilang ring jadma tiosan,sane sampun menek daa/truna.
- ca. Dados mogpog utawi numbas ayahan, prade :

- 1). dados Pegawai Negeri utawi Pegawai Perusahaan Swasta;
- 2). magenah ring desa sewosan malantaran ngrereh pakaryan.

ra. Dados nyeladii utawi nyuksukin Krama Catu yan sampun mayusa 17 warsa.

Pawos 8

Kapatutan Krama lan Tamiu :

- (1) Krama Tamiu lan Tamiu , patut madana punia ring Desa/Banjar, manut Pararem.
- (2) Krama Tamiu lan Tamiu, patut polih pasayuban marupa pitulung rikenjekan katiben pancabhaya.

Pawos 9

Paturunan miwah Leluputan :

- (1) Paturunan utawi peson-peson sajeroning ngulati kasukertan Desa Adat/Banjar, kapitegenang ring Krama Desa/Banjar.
- (2) Desa/Banjare, maweh leluputan ayah-ayah miwah peson-peson ring sang inggiling linggih miwah sang kawelasarsan.
- (3) Sor singgih leluputan miwah bacakan sang polih leluputan, kaunggulan jeroning Pararem.
- (4) Sajawaning Prajuru Desa/Banjar, sane taler pastika polih leluputan, luwire :

ha. para sadhaka, minakadi Pamangku Kahyangan/Panyiwian Desa, lan panyada;

na. sang sungkan tahunan;

ca. wong cedangga banget;

ra. wong alit ubuh meme bapa, jantos ipun menek daa/truna, utawi mayusa 15 warsa.

Palet 2
Indik Prajuru lan Dulun Desa

Pawos 10

- (1) Desa Pakraman Munduk Lumbang, kaenter antuk Prajuru Desa Pakraman, kamanggala antuk Bendesa Adat.
- (2) Banjar, kaenter antuk Prajuru Banjar, kamanggala antuk Kelihan Banjar utawi Kelihan Adat.
- (3) Prajuru Desa /Banjar Pakaramn, patut :
 - ha. mawit saking Krama Cecatu utawi Pangele;
 - na. kaadegang Prajuru malantaran antuk pamilihan jeroning Paruman Krama Desa/Banjar, nyabran limang warsa, sajawaning wenten pariindikan tiyos, tur sang sampun puputing panumaya, kengin kapilih malih;
 - ca. maduluran atur piuning ring Pura Dang Kahyangan lan Pura Desa.

Pawos 11

- (1) Bendesa Adat, karombo antuk :
 - ha. Kelihan Adat, pinaka wakil Bendesa Adat;
 - na. Panyarikan, pinaka Juru Surat;
 - ca. Patengen, pinaka Pangemong Druwen Desa;
 - ra. Saya Basé, pinaka Jurun Gumencang.
- (2) Sajeroning ngenterang kasukertan kaniskala, Bendesa Adat, patut misinggihang Pamangku Kahyangan Desa.
- (3) Prajuru Desa taler ngadegang Dulun Desa utawi Panglingsir, sane sinanggeh Kerta Desa, sane mawit saking Prajuru sane sampun piputing panumaya, sang wikan ring adat miwah agama, Kepala Desa miwah sane lianan, sane kasulurang manut Pararem.

Pawos 12

(1) Swadharmaning Bendesa Adat, luwire :

- ha. Ngenterang paruman-paruman Desa/Banjar.
 - na. Ngenterang panglaksanaan sadaging awig-awig miwah pamutus Krama Desa/Banjar, sane sinanggeh Pararem.
 - ca. Ngraksa miwah nudonang tata-titine migunayang sarajabrana druwen Desa.
 - ra. Nuntun saha ngenterang Krama desa rawuhing Warga Desa sami, ngupadi kasukertan sekala lan niskala.
 - ka. Nuntun saha nyaksi upacara sangaskaraning kahuripan sane mabuat, minakadi sane ngilitang sulur pakulawargan.
 - da. Nuntun saha ngenterang Warga Desa nginggilang Sang Hyang Agama, kasucian Kahyangan, kasucian Palemahan, kasucian Pawongan, miwah tata-titine migunayang setra.
 - ta. Mawosin miwah niwakang pamutus marep ring wicaran Warga Desa.
 - sa. Ngwakilin Desa/Banjar, matemuang bebawos ring sapisira ugi.
 - wa. Lan sane lianan sane wenten pakilitnya ring Desa/Banjar.
- (2) Tata-titine nglaksanayang swadharma inucap ring ajeng, tan maren patut satinut ring daging awig-awig, pararem, dresta miwah pamutus Paruman Krama Desa/Banjar.
- (3) Panglaksanane inucap ring ajeng patut kasiarang ring Paruman Krama Desa/Banjar, kapungkuripun.
- (4) Sumakuta utawi sumanggup natak pamutus Paruman Krama Desa/Banjar, ngeninin swadharman sowang-sowang Prajuru.

Pawos 13

Patias utawi olih-olihan Prajuru Desa Adat, luwire :

- ha. luput reramon utawi peson-peson;
- na. luput paturunan yajnya, sane mangge ring Desa Adat/Banjar;

ca. polih sesarin canang ritatkala wenten aturan ring Kahyangan, manut pararem.

Pawos 14

- (1) Prajuru Desa Pakaraamn, kaadegang ngantos 5 warsa, ngawit saking padiwasane kaadegang Prajuru.
- (2) Prajuru Desa sane swadharmannya sampun puputing sengker, kengin kapilih malih.
- (3) Pariindikane ngadegang Prajuru Desa sakaluwire, kapastikayang malarapan Paruman Krama Desa tur kaingkupin antuk Krama.
- (4) Wusan dados Prajuru Desa, sangkaning :
 - ha. lina;
 - na. pinunas ngraga malantaran jalaran sane pastika;
 - ca. swadharmannya sampun puputing sengker;
 - ra. kawusanang utawi kanorayang olih Krama Desa duaning iwang pamargi, menawi nilar sesana.
- (5) Ngentosin, ngwusanang utawi nganorayang Prajuru Desa, patut kamargiang sajeroning Paruman Krama Desa, tur kaingkupin antuk Krama Desa.

Palet 3 Indik Kulkul

Pawos 15

- (1) Dudonan Kulkul ring Desa Pakraman Munduk Lumbang, luwire :
 - ha. Kulkul Desa/Banjar;
 - na. Kulkul Sekaa-sekaa;
- (2) Kukul Desa/Banjar, kamanggehang pinaka piranti utawi sarana tengeran maka wangsit, ring wewengkon wewidangan Desa/Banjar.
- (3) Kulkul Banjar tan wenang katepak, yening tan manut kadi dading awig-awig.
- (4) Tetepakan suaran Kulkul manut dresta, tur anggah-ungguh tetepakanipun, kapastikayang sakdi ring sor :

- ha. Tabuh suaran Kulkul tedun manut dresta : ngayah, parum, mayajnya, tetepakannya kalih tulud banban;
- na. Tabuh Kulkul wong seda, luwire :
 - 1). tigang klentungan : anak alit;
 - 2). limang klentungan : saking menek daa/truna jantos lingsir;
- ca. Tabuh Kulkul ngrorod utawi nganten : duang tulud becat;
- ra. Tabuh Kulkul Kapancabhayan, luwire : umah puwun, kulkul kembar, lebon amuk lan sakancannya : bulus.

Pawos 16

- (1) Kulkul Desa/Banjare, tan wenang katepak yan tan sangkaning pituduh Prajuru, sajawaning tengeran kapancabhayan.
- (2) Sang nepak Kulkul Desa/Banjar, tan sangkaning pituduh Prajuru, patut digelis atur supekse maka buatan panepake; yan piwal, sang mamurug wenang katibakin danda, manut Pararem.
- (3) Kulkul Sekaa-sekaa miwah kulkul pondokan-pondokan, tan kalugra nyawerin utawi matehin sukat miwah tetepakan Kulkul Desa/Banjare; prade mamurug, sang mamurug taler wenang katibakin danda, manut Pararem.

Palet 4 Indik Paruman Pawos 17

- (1) Dudonan Paruman ring Desa Adat Munduk Lumbang, kapalih dados tigang soroh :
 - ha. Paruman Krama Desa/Banjar, kawentenang nyabran sasih sanangken rahina Buda, Wage;
 - na. Paruman Prajuru, kawentenang manut kabuatan;
 - ca. Paruman Daa/Truna, kawentenang manut kabuatan.

(2) Pamargin Paruman Krama Desa/Banjar, patut nganutin dudonan :

- ha. Paruman wahu kengin kakawitin sasampune katedunin antuk pinih kedik kalih pah tiga lintang, saking sang patut ngamiletin, kamanggala antuk tengeran suaran kulkul, mabusana adat Bali, tan kalugra makta gegawan sakaluwire, karihinin antuk ngarcana Bhagawan Panyarikan majalaran widhi widhana lan cane.
- na. Maka pangawit, kalaksanayang panyacak pangesep, karuntutin antuk nyacak dedosan, wahu kalanturang antuk Parum; sasampun parumane puput, patut kacacak malih, tur sane kasep, sang ninggal paruman miwah sane nosa, wenang katibakin danda, sane ageng alitipun, kasulurang manut Pararem.
- ca. Maka pamastika wahu kengin nyacak pangesep, kasulurang manut Pararem.
- ra. Sajeroning paruman tan kalugra ngwetuang wak ghora minakadi ngardi biota; sang mamurug, wenang keni pamidanda bea pacamil, sakadi dandaning anguman-uman ring paseban, sane kasulurang manut Pararem.
- ka. Pamutus bebawos sane briuk sapanggul utawi ingkup, punika sane kaaptiang tur kamanggehang.

(3) Prade daging peparumane nenten kaingkupin, Prajuru Desa/Banjar mangda ngilikang bebawos, saha pamutusnya mangda kararemin antuk Krama Desa/Banjar; bilih jantos ping tiga taler nenten prasida kaingkupin, Prajuru Desa/Banjar, dados nunas bawos ring Kerta Desa; bilih pamutus Kerta Desa taler nenten kaingkupin, Prajuru Desa/Banjar, dados nunasang indike punika ring Guru Wisesa.

Pawos 18

1) Sajeroning Paruman Krama Desa, Bendesa Adat patut nyiarang pamargine ngenterang Desa, pamekas ngeninin indik :

- ha. Munjuk lungsuring gebogan pakraman saha ayah-ayahnyane, minakadi sulur arthabrana druwen Desa.

na. Pangrencanan Prajuru, ngeninin utsahan Desane kapungkur.

- (2) Pamutus Paruman Krama Desa sane sinanggeh Pararem, kamanggehang maka pamitegep panglaksanaan awig-awig.

Pawos 19

- (1) Paruman Prajuru/Dulun Desa, kawenangang wantah ngrincikang pangrencana, marep ring utsahan desane kapungkur.
- (2) Paruman Prajuru Desa, tan kawenangang ngamedalang tetegenan ring Krama Desa, saderenge kaingkupin antuk Krama Desa.
- (3) Pamutus Paruman Prajuru/Dulun Desa, kengin ngwetuang pasuara manut daging pituduh sang ngawa rat, utawi ngonekang pamutus sane pecak sampun dados Pararem Krama Desa.

Palet 5

Indil Druwen Desa.

Pawos 20

- (1) Sane kamanggehang dados druwen Desa Adat Munduk Lumnag, luwire :
 - ha. Kahyangan Desa, luwire :
 - 1). Kahyangan Tiga : Pura Desa, Pura Puseh, Pura Dalem.
 - 2). Kahyangan druwen Desa sewosan ring Kahyangan Tiga, minakadi :
 - ha). Pucak Purwa, Tegal Sari, Pura Batur, lan sajangkepnya, Mrajapati, Melanting, Srimuka;
 - na). Pucak Tiling Jati, Pucak Panca Resi, lan Pucak Bukit Adeng.
 - na. Bale Banjar;
 - ca. Setra : 0,45 Ha;
 - ra. Palaba Pura marupa tegal : 0,98 Ha;
 - ka. Lembaga Perkreditan Desa (LPD);
 - da. Nyāsa lan Sasanti;

ta. Lekita-lekita : pipil utawi sertipikat, Awig-awig, Pasuara miwah Pararem;

sa. Gong abarung;

wa. Ilen-ilen wali ring pura, minakadi pendet, baris gede, lan sajangkep nya.

(2) Olih-olihan Desa Pakraman Munduk Lumbang, mawit saking :

ha. Upon-upon palaba pura;

na. Paturunan saking Krama Desa;

ca. Paica saking Guru Wisesa;

ra. Dana punia tiyosan, sane patut.

(3) Sanangken Paruman Krama desa, Bendesa Adat patut nyiarang munjuk lungsur upon-upon palaba pura lan sapanunggalannya, sane sinanggeh druwen Desa.

(4) Upon-upon palaba pura lan sapanunggalannya, kanggen prabea piodalan miwah ngwangun ring pura, taler prabea tiosan marep ring kabuatan Desa Adat.

(5) Sakaluwiring druwen Desa patut wenten lekitannya sane pastika.

(6) Tan kalugra ngadol utawi ngesahang druwen Desa, yan tan kacumponin antuk Krama desa sami.

Palet 1

Indik Panyanggran Krama Banjar

Pawos 21

(1) Krama Banjar ring wewengkon Desa Pakraman Munduk Lumbang, patut sareng nyanggra karya suka dukan sowang-sowang Krama Banjar.

(2) Tetibak panyanggrané inucap ring ajeng, masulurang manut Pararem.

(3) Sowang-sowang Krama Banjar sané pacang sané suka duka sané mabuat, mangda masadok ring Praju

CATURTHAS SARGAH
SUKERTAN TATA AGAMA

Palet 1

Indik Dewa Yajnya

Pawos 22

- (1) Kahyangan-kahyangan panyiwian Krama Desa Adat Munduk Lumbang, luwire :

ha. Kahyangan Tiga : Pura Desa/Baleagung, Pura Puseh, Pura Dalem.

na. Kahyangan-kahyangan panyiwian Krama desa tiosan ring
Kahyangan Tiga : Pucak Purwa, Tegal Suci, Pura Batur lan sajang-
kepnya, Mrajapati, Melanting, Srimuka, Saren Kauh, Panti, Palak,
Pucak Gunung Anyar, Puseh Pucuk lan sapanunggalannya, Pucak
Tiling Jati, Pucak Panca Resi, Pucak Gunung Sekar, Pucak Gunung
Lebah, lan Pucak Bukit Adeng.

- (2) Tegak piodalan ring sowang-sowang kahyangan inucap ring ajeng,
kamanggehang sakadi ring sor puniki :

ha. Kahyangan Tiga, tigang warsa apisan, marupa Tawur Agung;

na. Pura Mrajapati : Saniscara, Umanis, Watugunung;

ca. Pura Melanting : Sukra, Wage, Wariga;

ra. Pura Srimuka : Buda, Wage, Kelawu;

ka. Pura Saren Kauh : Buda, Wage, Warigadian;

da. Pura Panti : Buda, Umanis, Julungwangi;

ta. Pura Palak : Purnamaning Sasih Jyesta;

sa. Pura Pucak Gunung Anyar : Buda, Kliwon, Pahang;

wa. Pura Puseh Pucuk : Anggarakasih, Julungwangi;

la. Pura Pucak Tiling Jati : Purnamaning Sasih Jyesta;

ma. Pura Pucak Panca Resi : Anggarakasih, Julungwangi;

ga. Pura Pucak Gunung Sekar : Purnamaning Sasih Kalima;

- ba. Pura Pucak Gunung Lebah: Buda, Kliwon, Sinta;
nga. Pura Pucak Bukit Adeng : Anggarakasih, Dukut.
- (3) Pamargin pangacine ring sowang-sowang kahyang inucap ring ajeng, manut kecap sastra agama, saha kalaksanayang kanista, madhyama, utama, manut kawentenana krama sane kaingkupin jeroning Pararem.

Pawos 23

- (1) Ring sowang-sowang pura inucap ring ajeng, patut kaadegang Pamangku.
- (2) Pidabdabe ngadegang Pamangku, nganutin dudonan :
ha. ngwilang saking turunan utawi ngwaris;
na. malantaran nyanjan utawi nuhur ring pura sane karerehang Pamangku.
ca. malantaran antuk pasuaran Dulun Aped.
- (3) Sang tan wenang kaadegang dados Pamangku, luwire :
ha. cedangga, luwire : peceng, perot, cungh, lan sapanunggalannya;
na. sakit ila, ayan, buduh wiadin edan;
ca. ngadegang/ngwusanang Pamangku, kasulurang manut Pararem.
- (4) Prabea Kapamangkuan :
ha. prabean upakara/upacara adiksa widhi utawi ngwintenang Pamangku, kamedalin miwah kalaksanayang ngara sowang-sowang;
na. marep ring prabean pitra yajnya ring Pamangku, Panyade, yan seda riwekas, prabeyannya ngraga sowang-sowang.
- (5) Pamangku, patut ngamanggehang sesana miwah agem-ageman Pamangku.

Pawos 24

Swadharmaning Pamangku, luwire :

- ha. ngenterang upacara piodalan ring kahyangan sane kaemponin utawi ring pakubon sowang-sowang krama;

- na. pradé sinalih tunggil Pamangku Kahyangan Désa kapialang utawi cuntaka, kéngin nyelang Pamangku Kahyangan Désa tiosan, katiténin antuk Prajuru.
- ca. yan Pamangku kalayusekaran, wenang anglepas swadharma, kasulurang manut Pararem;
- ra. yan Pamangku sampun tigang rahina ngayah ring pura sane kaemponin, kancit wenten kulawargannya kalayusekaran, Pamangku inucap tan keneng cuntaka, sakewanten nenten kengin budal salamin piodalan;
- ka. munggah tedun ring palinggih-palinggih Kahyangan Desa miwah ngiyasin pralingga- pralingga, manut pamastikan Prajuru;
- da. ngrajegang sesanan Pamangku.

Pawos 25

Patias utawi olih-olihan Pamangku, luwire : polih apahtigan sarin canang rikala wenten aci ring Kahyangan sane kaemponin.

Pawos 26

- (1) Pamangku kagentosin, riantukan :
 - ha. seda;
 - na. pinunas ngraga, menawi kageringan lan sapanunggalannya;
 - ca. kawusanang antuk Krama, riantukan nilar sesanan Pamangku;
- (2) Tatacarane ngadegang miwah ngentosin Pamangku, kasulurang manut Pararem.

Pawos 27

Indik Kasukertan Kahyangan, kadudonang sakadi ring sor puniki :

- (1) Sane nenten kalugra ka pura, luwire :
 - ha. Sang katiban cuntaka, minakadi sebel ngraga :
 - 1). sebel kandel ngrajaswala, salami dereng mabresih;

- 2). sebel antuk ngembasang putra, salami 42 rahina, pateh sakadi sang karuron;
- 3). sebel pangantenan, sadereng mabiakala utawi makala-kalaan;
- 4).sebel riantukan kalayusekaran, jantos puputing sengker sane kaingkupin jeroning Pararem.

na. Makta sahanan bebaktan sane sinanggeh ngletehin, manut kecap sastra agama.

ca. Sato agung minakadi wewalungan suku pat, sajawaning rikala mapepada.

ra. Anak alit saderenge mayusa tigang sasih.

ka. Mabusana sane tan manut kadi tatacaraning ngranjing ka pura.

da. Sadereng polih wak-wakan utawi pituduh saking Prajuru Desa.

(2) Tata busanane ngranjing ka pura, kasulurang manut Pararem.

(3) Pratingkahe tan wenang ring pura, luwire :

ha. masumpah utawi macoran, sajawaning wit saking pituduh Prajuru Desa;

na. ngamedalang wak capala utawi wak parusia;

ca. mabanyu, makoratan, masesenengan, makolem dados asiki lanang wadon, nyangsang busana;

ra. ngias raga minakadi menahang wastra, menahang pusungan lan sakancan punika, sajawaning sang sulinggih miwah pinandita;

(4) Sewosan ring Pamangku tan kalugra munggah tedun ring palinggih-palinggih, sajawaning wit saking pituduh Prajuru Desa.

(5) Sang mamurug kecape ring ajeng, wenang keni dewa danda, manut pamutus Pararem.

Pawos 28

(1) Yan wenten jadma karawuhan ring pura boya saking nyanjan tur ngawinang kramane biapara, wenang keni dewa danda lan artha danda, sané kasulurang manut Pararem/Pararem.

(2) Prade Kahyangan Desane kahanan durmanggala minakadi kapancabhayan, Pamangku patut digelis masadok ring Prajuru Desa.

- (3) Indik upakara/upacara pamahayun kadurmanggalan Kahyangan Desa, mapagamel kecap sastra agama, sane kasungkemin olih Krama Desa.

Palet 2
Indik Resi Yajnya
Pawos 29

- (1) Sang pacang madeg sulinggih utawi madwijati patut masadok ring Prajuru miwah Parisada Hindu Dharma Indonesia.
- (2) Prajuru Desa patut ngawas lan nitenin tur wenang mialangin, prade kacihnan wenten indik sane tan manut kecap sastra agama, tur sareng nyaksi upacara padwijatiannya, saha nglantur nyiarang jeroning Paruman Krama Desa tegap rawuhing wates kawenangannya muput yajnya.
- (3) Krama Desa patut madana punia sapamadeg miwah ring panglepas Sang Sulinggih /Pamangku riwekas katuntun antuk Prajuru Desa.
- (4) Sang sulinggih wenang polih leluputan ayahan miwah peson-peson.

Pawos 30

- (1) Sajeroning muput yajnya, Sang Sulinggih/Pamangku, patut ngutamayang muput yajnya ring wewengkon Desa Pakraman Munduk Lumbang, sasampunnya puput, wahu muput yajnya ring wewengkon Desa tiosan utawi kadura desa.
- (2) Krama Desane sami, patut sareng ngawas lan nitenin katuntun antuk Prajuru, mangda sahanan yajnya sane kalaksanayang olih sowang-sawang Krama Desa, kapuput olih Sulinggih utawi Pamangku, manut kawenangannya sowang-sawang.

Palet 3
Indik Pitra Yajnya
Pawos 31

- (1) Desa Adat Munduk Lumbang, patut sareng nyanggra yan wenten sinalih tunggil krama sane nglaksanayang upacara Pitra Yajnya.
- (2) Tatacara panyanggrane inucap ring ajeng, kasulurang manut Pararem.

Pawos 32

- (1) Sinalih tunggil krama sane kalayusekaran/atiwa-tiwa, mangda masadok ing Prajuru.
- (2) Swadharmaning Desa/Banjar :
 - ha. Kelihan Banjar/Kelihan Adat patut maritatas pamargin sang kaduhkitan, indik pamargin pamendeman, manut pararem;
 - na. Prade sampun kaparitatas antuk Prajuru Desa, nglantur nunas pamargin pamendeman ring sang wiku, raris kawentenang suaran kulkul manut pararem;
 - ca. Panyanggran Krama Desa salanturnya, ngrombo ngaryanin eteh-eteh pamendeman, saha kasarengin antuk krama;
- (3) Tan kalugra nginepang bangbang miwah mendem rikala : semut sedulur, kala gotongan, tilem, purnama, rerahinan jagat, wenten prani ring Pura Desa.
- (4) Prade wenten kalayusekaran rikala rerahinan jagat utawi piodalan, kengin mendem mangda masadok ring Prajuru, ngrereh galah tengah latri, tan madaging suaran kulkul.

Pawos 33

- (1) Desa PakramanMunduk Lumbang, ngamanggehang indik cuntaka, mapagamel ring Pamutus Mahasabha Parisada Hindu Dharma Indonesia.
- (2) Tatacarane nyulurang kacuntakan, mapagamel ring kecap sastra agama, kaanutang ring drestan desa, sane kaingkupin jeroning Pararem.
- (3) Sinalih tunggil krama sane kahanan cuntaka, yan durung utas, tan kalugra nyarubin genah suci druwen Desa miwah druwen sowang-sowang krama.
- (4) Sang mamurug kecape ring ajeng, patut keni artha danda lan dewa danda, manut Pararem.
- (5) Sengker utas cuntaka manut kawentenannya, kasulurang sakadi ring sor puniki :
 - ha. Kalayusekaran, cuntakannya kaanutang ring Loka Dresta, Sastra Dresta, miwah drestan Desa Adat Lumbang, sane kaunggahang jeroning pararem;
 - na. Ngrajaswala, cuntakannya tigang rahina ngawit saking ngrajaswala, utawi salaming ngrajaswala;

- ca. Ngembasang putra, cunkakannya satu limang rahina ngawit saking putrane embas, jantos katiwakin upacara tigang sasihan;
- ra. Karuron, cunkakannya petang dasa kalih rahina ngawit saking karuron, jantos katiwakin tirtha pamrayascita;
- ka/ Pawiwahan, cunkakannya jantos sampun makala-kalaan, nglantur masakapan alit;
- da. Gamia gamana, cunkakannya jantos sampun kapalasang, karuntutin antuk mrayascita sikian, Desa Adat miwah Kahyangan Desa;
- ta. Salah timpal, cunkakannya kapuputang manut kecap sastra agama miwah drestan Desa;
- sa. Anak istri mobot malantaran lokika sanggraha kandugi nenten katiwakin upacara pabiakawonan, cunkakannya jantos katiwakin upacara pabiakawonan;
- wa. Anak istri ngembasang putra malantaran lokika sanggraha kandugi pecak nenten katiwakin upacara pabiakawonan miwah widhi widhana, cunkakannya jantos wenten meras anake alit, karuntutin antuk upacara manut kecap sastra agama;
- la. Sad atatayi, cunkakannya jantos sampun mrayascita sikian miwah ngehehin prawreti.
- ma. Mamitra ngalang, cunkakannya jantos katiwakin upacara pabiakawonan.

(6) Cuntaka kalayusekaran/kapademan :

- ha. Kapendem, cunkakannya :
 - 1). Cuntaka ka Banjar, laminipun tigang rahina ngawit saking wusan mendem, jantos sampun maprayascita;
 - 2). Kulawargannya sajeroning pakarangan, cunkakannya roras rahina;
- na. Kaabenang/matuwun, tan wenten cuntaka, manut drestan Desa Pakraman Munduk Lumbang;

(7) Sang katiben cuntaka, luwire :

ha. Kalayusekaran, sane cuntaka :

- 1). sang kalayusekaran;
- 2). kulawargannya;
- 3). bebanjarannya;

na. Ngrajaswala, sane cuntaka : sang ngrajaswala punika;

ca. Ngembasang putra, sane cuntaka : yayah renan sang wahu embas;

ra. Pawiwahan, sane cuntaka : sang mawiwaha utawi dampati lanang istri;

ka. Karuron, sane cuntaka : sang karuron rawuhing lanangnyane;

da. Gamia gamana, sane cuntaka :

- 1). sang nglaksanayang gamia gamana;
- 2). Desa Adatnyane;

ta. Salah timpal, sane cuntaka :

- 1). sang nglaksanayang salah timpal;
- 2). Desa Adatnyane;

sa. Anak istri mobot mobot malantaran lokika sanggraha, kandugi nenten katiwakin upacara pabiakawonan, sane cuntaka : anake istri sane mobot punika;

wa. Anak istri ngembasang putrsa malantaran lokika sanggraha, kandugi pecak nenten katiwakin upacara pabiakawonan miwah widhi widhana, sane cuntaka :

- 1). sang ngembasang putra;
- 2). putrane sane kaembasang;

la. Mamitra ngalang sane cuntaka : sang nglaksanayang mamitra ngalang punika;

ma. Sad ātatāyi, sane cuntaka : sang nglaksanayang sad atatayi punika.

(8) Sang tan keneng cuntaka, luwire :

- ha. Sang Sulinggih;
na. Pamangku Kahyangan Tiga, rikala piodalan tur sampun ngayah tigang rahina ing pura sane kaemponin, utawi risampun ngalang sasih/ngalang tengah.

Pawos 34

- (1) Pamagin atiwa-tiwa utawi pangabenan kalaksanayang mapagamel kecap sastra agama miwah dresta.
- (2) Peputusan pangabenan, kasulurang manut Pararem.
- (3) Pangingune ring Krama Desa/Banjar, kasulurang manut Pararem.

Palet 4

Indik Manusa Yajnya

Pawos 35

- (1) Krama Desa Adat Munduk Lumbang minakadi Krama Banjar, patut sareng nyanggra miwah nitenin yan wenten sinalih tunggil krama nglaksanayang upacara Manusa Yajnya sane mabuat.
- (2) Tatacara panyanggrane inucap ring ajeng, kasulurang manut Pararem.
- (3) Sang pacang nglaksanayang upacara Manusa Yajnya sane mabuat, mangda masadok ring Prajuru.
- (4) Manusa Yajnya, inggih punika : upacara-upacara dharmaning kahuripan manusa, ngawit saking patemoning kama bang lan kama petak sajeroning garbha, jantos kalayusekaran ri wekas.
- (5) Upacara-upacara inucap ring ajeng, kamargiang : kanista, madhyama, utama, manut kecap sastra agama miwah dresta.
- (6) Sang nungkasin pidabdab Desa, keni danda manut Pararem.

Palet 5

Indik Bhuta Yajnya

Pawos 36

- (1) Desa Pakraman Munduk Lumbang, patut nyanggra pamargin Bhuta Yajnya, marep ring kabuatan Desa Pakraman Munduk Lumbang.

- (2) Pidabdab pamargin Bhuta Yajnya inucap ring ajeng, mapagamel kecap sastra agama, kaanutang ring drestan Desa Pakraman Munduk Lumbang, sane kapikukuh antuk Pararem.
- (3) Krama Desa Pakraman Munduk Lumbang, patut sareng nyanggra yan wenten sinalih tunggil Krama Desa, sane nglaksanayang upacara Bhuta Yajnya sane mabuat.
- (3) Sang pacang nglaksanayang upacara Bhuta Yajnya sane abuat, mangda masadok ring Prajuru.

Pawos 37

- (1) Bhuta Yajnya marep ring kabuatan Desa Pakraman Munduk Lumbang, minakadi carun sasih miwah sane lianan, kasulurang manut Pararem.
- (2) Indik pamargin palelastian utawi makiyis, kasulurang manut Pararem.
- (3) Nangken warsa, rikalaning Tilem Sasih Kasanga, Krama Desa Pakraman Munduk Lumbang, patut nglaksanayang Tawur Kasanga, kalanturang antuk pangrupukan, pinaka cihna nyanggra pangrawuh Nawa Saka Warsa (Tahun Baru Saka) ring pananggal apisan Sasih Kadasa, sane kawastanin Nyepi.
- (4) Rikalaning Nyepi, sowang-sowang Krama Desa patut ngamargiang Catur Brata Panyepian, inggih punika :
 - ha. amati geni : tan kengin maapi-api;
 - na. amati karya : tan kengin nyambut karya;
 - ca. amati lelangwan : tan kengin maoneng-onengan, ngwijilang suara
ghora nabuh gegambelan, lan sakancan punika;
 - ra. amati lelungan : tan kengin malelungayan mrika-mriki.
- (5) Catur Brata Panyepian punika kamargiang saking semeng jantos benjangne ngedas rahina.
- (6) Mangda pamargin Catur Brata Panyepian punika trepti, patut katilikin antuk tetelik Desa sane kawastanin Pacalang Desa, tur sang mamurug patut katiwakin pamidanda, sane kasulurang manut Pararem.
- (7) Benjangne ring pananggal ping kalih Sasih Kadasa, kawastanin Ngembak Geni, sowang-sowang krama patut saling ngaksamayang, sane ketah kawastanin Dharma Santi.

PANCAMAS SARGAH
SUKERTAN TATA PAWONGAN

Palet 1

Indik Pawiwahan

Pawos 38

- (1) Krama Desa Pakraman Munduk Lumbang minakadi Krama Banjar, patut sareng nyanggra miwah nitenin yan wenten sinalih tunggil krama sane nglaksanayang upacara Pawiwahan.
- (2) Pamargin Pawiwahan, luwire :
ha. malantaran pepadikan;
na. malantaran ngrorod utawi ngrangkat;
ca. malantaran nyentana utawi nyentana nyeburin.
- (3) Indik Pawiwahan, Desa Pakraman Munduk Lumbang, ngamanggehang Undang-Undang Nomor 1 Tahun 1974, miwah Peraturan Pemerintah Nomor 9 Tahun 1975, indik Pawiwahan.
- (4) Tatacara panglaksanannya, mapagamel kecap sastra agama, kaanutang ring drestan Desa, sane kapikukuh jeroning Pararem.
- (5) Sinalih tunggil krama sane pacang nglaksanayang upacara Pawiwahan, mangda masadok ring Prajuru.
- (6) Sang piwal ring pidabdab Desa, keni danda manut Pararem.

Palet 2

Indik Nyapihan

Pawos 39

- (1) Prajuru Desa Adat Munduk Lumbang minakadi Prajuru Banjar, wenang sareng mawosin miwah nitenin yan wenten sinalih tunggil krama sane mapikarsa pacang palas marabi, gumanti nenten kadurusan dados nyapihan.
- (2) Yan krama inucap kukuh ring pikarsannya, Desa Adat minakadi Krama Banjar, nenten sumakuta ring pamarginnya.

- (3) Saderenge pastika polih pamutus saking sang ngawawenang minakadi Sang Rumawos (Pengadilan Negeri), krama inucap manggeh keni tetegenan krama, sakadi nguni.
- (4) Sang tungkas ring pidabdab Desa, keni danda manut Pararem.

Palet 3
Indik Sentana
Pawos 40

- (1) Prajuru Desa minakadi Prajuru Banjar, wenang sareng mawosin miwah nitenin, yan wenten sinalih tunggil krama sane ngindikan sentana.
- (2) Indik sentana, Desa Pakraman Munduk Lumbang, ngamanggehang uger-uger jagat minakadi kawicaksanan sang maraga Guru Wisesa, kaanutang ring drestan Desa, sane kapikukuh antuk Pararem.
- (3) Sang pacang ngrajegang sentana, mangda masadok ring Prajuru.
- (4) Sang tungkas ring pidabdab Desa, keni danda manut Pararem.

Palet 4
Indik Warisan

Pawos 41

- (1) Prajuru Desa minakadi Prajuru Banjar, wenang sareng mawosin miwah nitenin, yan wenten sinalih tunggil krama sane ngindikang warisan.
- (2) Indik Warisan, Desa Pakraman Munduk Lumbang, ngamanggehang uger-uger jagat minakadi kawicaksanan sang maraga Guru Wisesa, kaanutang ring drestan Desa, sane kapikuh antuk Pararem.
- (3) Sang pacang ngindikang warisan, mangda masadok ring Prajuru.
- (4) Sang tungkas ring pidabdab Desa, keni danda manut Pararem.

ṢAṢṢHAS SARGAH
SUKERTAN TATA PALEMAHAN

Palet 1

Indik Karang, Tegal, lan Carik.

Pawos 42

- (1) Krama Désa sané ngamong karang désa utawi karang pamumahan ngraga, patut ngwatesin karangnyané sowang-sowang antuk pagehan/turus utawi témbok, mangda pakatenannya asri.
- (2) Watesé sané mawasta gegaleng kaluwan miwah gegaleng katebén, mangda nganutin dresta, tur kakaryanin olih sang negen wates inucap.
- (3) Pradé karasayang pagehan/turus inucap nglikadin, yan pada arsa panyandingé, watesé kéngin nganggén pinget utawi pracihna pal saking Agraria, sakéwanten kasaksi antuk Prajuru Désa / Banjar.
- (4) Pradé wénten karang kabebeng, mangda kautsahayang wénten pamesuannya sané pastika.

Pawos 43.

- (1) Sinalih tunggil Krama Désa / Banjar, nénten kalugra :
ha. Ngalah-alah margi, karang désa, tegal ayahan désa, tegal utawi carik krama liyan, lan salancan punika.
na. Ngalah-alah tegak kahyangan, sétra lan sakancan tegak sané sinanggeh suci.
- (2) Pradé wénten mamurug kecapé ring ajeng, sang mamurug patut ngwaliang tanah inucap tur sang ngalah-alah tegak suci, tiyosan ring ngwaliang tanah tegak suci inucap, taler patut karuntutin antuk déwa danda miwah artha danda, sané kasulurang manut pararem.

Palet 2

Indik Pepayonan.

Pawos 44

- (1) Ngawit nandur pepayonan minakadi tanem tuwuh, patut adepa agung ngajeroang saking

wates, pepayonan sané minakadi tanem tuwuh sané jantos ngliwat wates, wenang kasepatgantungin.

- (2) Pepayonan sané ngungkulin mawastu mayanin kapisaga, sang nruwénang pepayonan inucap patut kawara tur kairing mapiguman antuk sang rumasa katetehan, bilih-bilih sang nruwénang arsa ngrebah utawi notor wit pepayonané punika.
- (3) Pradé sampun kawara taler nénten wénten utsahan sang nruwénang, sang rumasa katetehan wenang masadok ring Prajuru, tur risampuné kaparitas kandugi wénten lelugrahan Prajuru, wahu wit pepayonané punika kéngin karebah, sakéwanten panukun patin wit pepayonané punika patut katahur olih sang rumasa katetehan manut panglokikan sang nepasin, tur wit pepayonané sané karebah punika, kasukserah ring sang nruwénang.
- (4) Sang patut keni pamidanda panyangaskara saha prabéya manut Pararem, marep ring wewangunan sang karubuhan, luwiré :
ha, Sang nruwénang pepayonan sané sinanggeh mayanin, pradé pungkut padidi tur ngrubuhin wewangunan krama tiyosan;
na. sang notor, monggol, utawi ngrebah taru, tur ngrubuhin wewangunan krama tiyosan.
- (5) Krama Désa patut ngamanggehang kawredian tanem tuwuh sané ngawinang désané asri tur lestari, sané kawastanin Bhūta Hita, sané mates : Kalestarian Lingkungan Hidup.
- (6) Sinalih tunggil krama sané pacang ngrebah pepayonan minakadi tanem tuwuh saé ngawinang désané asri tur letari, patut masadok ring Prajuru.

Palet 3

Indik Wewangunan.

Pawos 35

- (1) Nyabran ngwangun, sowang-sowang krama patut :

- ha. Masadok ring Prajuru, pamekas marep ring wewangunan sané mapanyaitan minakadi menengin wates;
- na. Nanggé Aṣṭa Bhūmi miwah gegulak Aṣṭa Kośali, sanis'tannya manut ring patitisé kaniskala.

- (2) Pradé wewangunané jantos nyayubin ka pisaga, bilih-bilih témboké ring telenging wates, ri sampuné kawara tur kairing mapiguman, taler tan wénten utsahan sang nruwénang, kangkat kasadokang ring Prajuru; sasampuné kaparitas tur wénten lelugrahan Prajuru, sang nruwénang wenang keni danda manut Pararem, tur témbok inucap patut kagubar olih sang nruwénang, sanistannya mangka kakaryanang abangan.

Palet 4

Indik Wewalungan.

Pawos 46

- (1) Sahanan warga désa sané miara wewalungan : bawi, banténg lan sakancan punika, mangda sayaga niténin negul, minakadi nglogor wewalungannya, mangda nénten ngrusak karang utawi pabianan krama tiyosan, bilih-bilih jantos ngranjing ngletehin kahyangan.
- (2) Pradé wénten wewalungan malumbar utawi ngeléb tur ngrusak karang utawi pabianan krama séwosan, ri sampuné kawara taler tan wénten utsahan sang nruwénang, yan wewalungan punika malih ngrusak karang utawi pabianan krama séwosan, wewalungan inucap kéngin kataban, tur sang nruwénang wenang katibakin danda ngwaliang panukun wit tetandurané sané karusak saha nahur panebasan papiaran tetabanan, manut panglokikan Prajuru Désa/Banjar.
- (3) Pradé wénten wewalungan ngranjing jantos ngletehin genah suci, minakadi kahyangan, pamrajan lan sakancan punika, ri sampuné kaparitas antuk Prajuru, sang nruwénang wewalungan inucap wenang keni déwa danda lan artha danda, agung alitipun manut kecap sastra agama sané kapikukuh antuk Krama Désa/Banjar.

- (4) Krama Désa patut nyrayanin wewalungan miwah sarwa prani, tan kapatut mademang paksi, nuba ulam lan sakancan punika, pinaka sinalih tunggil utasahan Krama Désa ngardi Bhūta Hita.
- (5) Sang mamurug kecapé ring ajeng, wenang keni danda manut Pararem.

Palet 5
Indik Bhaya.
Pawos 47

- (1) Bacakan bhaya, luwiré : jīwabhaya, arthabhaya, agnibhaya, toyabhaya, lindubhaya, lan sakancan punika, sané ketahipun kawastanin : Pancabhaya.
- (2) Sinalih tunggil krama sané manggihin prasihna pastika wéntené sahanan pancabhaya, patut digelis nepak kulkul tengaran kapancabhayan tur masadok ring Prajuru.
- (3) Pradé désané kahanan jīwabhaya, Krama Désané patut ngaturang upacara pamahayun désa manut kecap sastra agama, sané kapikukuh antuk krama, tur sang ngwetuang jīwabhaya, katur ring sang ngawawenang.

Pawos 48

- (1) Sinalih tunggil krama sané manggihin prasihna pastika wéntené arthabhaya utawi kamalingan, patut digelis nepak kulkul pamitulung, manut Pawos 15 (4), utawi Pawos 16 (1), sang kamalingan patut atur supéksa ring Prajuru, sang kacihnan ngamaling katur ring sang ngawawenang, maweweh malih patut keni déwa danda lan artha danda, manut Pararem, yan ipun ngamaling barang druwén désa sané sinanggeh suci.
- (2) Sowang-sowang Krama Désa tan kapatutang mapailonan ring dusta, sang kacihnan mapailonan ring dusta, patut katibakin danda kadi dandaning maling, sané kasulurang manut Pararem.

- (3) Indik ngrereh reramon minakadi daun kelapa, ron, miwah sané séwosan ring pabianan krama tiyosan ri kenjeikan suwung, masulurang manut Pararem.
- (2) Indik ngranjingin pakubon utawi pakarangan krama séwosan ri kala suwung, mawastu raris sang maderbé pakubon utawi pakarangan kaicalan, kasulurang manut Pararem.
- (3) Indik ngranjingin pakubon utawi pakarangan krama séwosan ri kala suwung, riantukan wénten pisarat sané mabuat, minakadi mapangarah miwah kabuatan sané liyanan, kasulurang manut pararem.

SAPTAMAS SARGAH WICARA LAN PAMIDANDA

Palet 1

Indik Wicara

Pawos 49

- (1) Sane wenang mawosin wicara ring wewengkon Desa Pakraman Munduk Lumbang, inggih punika : Prajuru Desa maka miwah Dulun Desa sane kawastanin Kerta Desa.
- (2) Prade sang mawicara tan cumpu ring Pamutus Kerta Desa, kengin nunasang wicaranipun ring Sang Rumawos utawi Pengadilan Negeri.
- (3) Sahanan sane mawit saking kacorahan sakaluwire, sane sinanggeh nungkasin daging Awig-awig, Pasuara miwah Pararem Krama Desa/Banjar, patut digelis kabawosin olih Prajuru, nenten nyantos pasadok malih.
- (4) Sajaba wicara sakadi ring ajeng, patut nyantosin pasadok sang nunas bawos.
- (5) Panepase mangda pastika nyantenang iwang patut malarapan Tripramana, inggih punika : saksi, likita, bukti, tur panepase tan maren nepek ring Catur Dresta.

Palet 2
Indik Pamidanda
Pawos 50

- (1) Desa/Banjare, wenang nibakang pamidanda ring warga Desa/Banjar sane sisip.
- (2) Tetibak pamidanda inucap ring ajeng, kalaksanayang olih Prajuru.
- (3) Bacakan pamidanda,luwire :
ha. ayahan panukun kasisipan;
na. artha danda saha panikelnya, miwah panikel paturunan;
ca. rerampagan;
ra. kanorayang;
ka. kawusanang Makrama Desa, tur pipil karang ayahannya kawaliang;
da. panyangaskara.
- (4) Pamidanda sane katiwakang, patut masor singgih, manut kasisipan.
- (5) Jinah utawi arthabrana pamidanda, ngranjing dados druwen Desa/Banjar.

Pawos 51

- (1) Krama sane langkungan ring tigang paruman utawi langkungan ring galahe sane sampun kapastikayang nglantur nenten nahur paturunan miwah dedandan, wenang karampag.
- (2) Tetibak rerampagan, nganutin tatacara sakadi ring sor puniki :
ha. Kalaksanayang olih Prajuru, kasarengin olih Saya Base lan Pacalang, maka saksi;
na. Tetibak panglaksanaan rerampagan ring ajeng, manut Pararem;
ca. Prajuru patut miteketang mangda barang-barang sane karampag punika digelis katebus masenger awuku, tur ring kutus rahinane pacang kalelang utawi kaadol;
ra. Tan kengin ngrampag saluwiring barang sane patut inggilang manut kecap sastra agama, miwah mademang pangupajiwan sang karampag.

ASTAMAS SARGAH

SAMAPTA

Pawos 55


- (1) Awig-awig puniki kawastanin Awig-awig Desa Adat Munduk Lumbang.
- (2) Awig-awig puniki kamargiang ngawit kaingkupin utawi kararemin.

Pawos 56

- (1) Awig-awig puniki kararemin duk rahina : Buda, Wage, Menail, pananggal ping 8 Sasih Kasa, Isaka Warsa 1924, tanggal 17 Juli 2002, magenah ring Bale Banjar Desa Adat Munduk Lumbang.
- (2) Awig-awig puniki kalinggatanganin antuk Bendesa Adat Munduk Lumbang miwah olih sang ngawawenang manut kawenangannya sowang-sowang, tur kapikukuh antuk Murdhaning Pamikukuh : Bupati Tabanan.
- (3) Luwir sang nglinggatanganin :

ha. Kapratama : Prajuru Desa Adat :

- 1). Kelihan Adat Munduk Lumbang,
- 2). Bendesa Adat Munduk Lumbang,



I WAYAN TEREM


I WAYAN KANDI

na. Kaping kalih : Prajuru Desa Dinas maka saksi :


- 1). Kelihan Dinas Banjar Munduk Lumbang,
- 2). Kepala Desa Angseri,


I WAYAN TULUS



DRS. I MADE BIASA

ca. Kaping tiga : Kawikanin olih :

1). Ketua PHDI Kecamatan Baturiti, Camat Baturiti,


DRS. I WAYAN PURNAYASA DRS. KOMANG ALIT SUAMBARA


ra. Kaping pat : Kapikukuh olih :

1). Ketua BPPLA Kabupaten Tabanan, 2). Ketua PHDI Kabupaten Tabanan,


DRS. I WAYAN DJAPA DRS. I MADE SAMBA


3). PLT. Kepala Kantor Departemen agama Kabupaten Tabanan,


I GUSTI LANANG MUDITA, SH



Mengetahui dan telah dicatatkan :

Tanggal : 22 Oktober 2002
Reg.Nomor : 189/21/HK



LEPIHAN : I

TETINASAN NYASA LAN SASANTI DESA ADAT MUNDUK LUMBANG

- (1) Sibeh Bucu Lima, mateses : Desa Pakraman Munduk Lumbang, mapikukuh antuk Pancasila, Dasar miwah Darsanan Jagat Republik Indonesia.
- (2) Swastika jeroning Padma Asta Dala :
 - ha. Swastika, mateses : Krama Desa Pakraman Munduk Lumbang , nyungkemin miwah nginggilang Agama Hindu.
 - na. Padma Asta Dala, mateses : Krama Desa Pakraman Munduk Lumbang, misinggilang asta aiswaryan Ida Sang Hyang Widhi, inggih punika : Anima, Laghima, Mahima, Prapti, Prakamya, Isitwa, Wasitwa, miwah yatrakamawasayitwa.
Tios ring punika, sajeroning ngupadi kasukertan Desa Pakraman Munduk Lumbang, Prajuru Desa Pakraman Munduk Lumbang, mapagamel Asta Brata, inggih punika : Indra Brata, Surya Brata, Candra Brata, Yama Brata, Bayu Brata, Kuwera Brata, Agni Brata, maka miwah Baruna Brata.
- (3) Gunung, mateses : Desa Pakraman Munduk Lumbang ngamong Gunung pinaka sinalih tunggil Tri Huluning Jagat Bali, maka niasa Bhuwana Agung miwah wetbet kasukertan jagat, sane pacang kasutindihin miwah kalestariang antuk Krama Desa Pakraman Munduk Lumbang.
- (4) Meru, mateses : Krama Desa Pakraman Munduk Lumbang, nginggilang tur misinggilang Sang Hyang Tri Murti, pinaka jiwana Desa Pakraman, sane kalinggayang ring Pura Desa, Pura Puseh miwah Pura Dalem.

- (5) Candi Bentar, mateges : Krama Desa Pakraman Munduk Lumbang, tan mari ngamanggehang Tata Krama sajeroning ngrajegang Kasukertan Tata Pakraman, Kasukertan Tata Agama, miwah Kasukertan Tata Pawongan.
- (6) Padi lan Kapas, mateges : Sajeroning ngupadi jagadhita sane matiti pangancan antuk : Dharma, Artha, Kama, Krama Desa Pakraman Munduk Lumbang, tan mari nglimbakang bhoga miwah upabhoga, minakadi sandang pangan.
- (7) Ante Mas, mateges : Desa Pakraman Munduk Lumbang nyujur kaingkupan pantaraning Krama Desa sami, kandugi tan mari prasida paras-paros sarpana ya, sagilik saguluk, salunglung sabhayantaka.
- (8) Sasanti : Prajahita Ananta Winangun, mateges : Krama Desa Pakraman Munduk Lumbang, nenten reredan mautsaha, mangda Krama Desane sami, prasida manggih kasukertan sekala niskala, matiti pangancan antuk Catur Purusa Artha : Dharma, Artha, Kama, Moksa.